

〈藥王菩薩本事品第廿三〉

【一品大意】《法華經大成》卷 8：「此品顯精苦為法。弘傳斯道。竭其神力。盡其形命。殷殷虔虔。志猶未已。故以菩薩本事以立名焉。楞嚴云：我無始劫。為世良醫。口中嘗此娑婆世界。艸木金石。名數凡有十萬八千。如是悉知。苦酸鹹淡甘辛等味。是冷是熱。有毒無毒。悉能遍知。了知味性。非空非有。非即身心。非離身心。分別味因。從是開悟。如來印名藥王。觀經曰：昔名星光。從尊者日藏。聞說佛慧。以雪山上藥。供養眾僧。願我未來。能治眾生身心兩病。舉世歡喜。名曰藥王。以此菩薩遍知藥性。故能觀機逗教。應病發藥。一切眾生身心二病。淨盡無餘。於諸法中。會取自性。得大自在。故名藥王也。菩薩者。悲智雙運。二利齊修故。本事者。本昔之事也。下文明一切眾生喜見菩薩。頓捨一身。復燒兩臂。輕生重法。命殞道存。舉昔顯本。故言本事品。」(X32,p.517b23-c13)《法華經授手》卷 9：「此品來意。前既顯理已圓。今當顯行以明入佛知見也。以藥王明行者。意謂雖悟圓理。然於俗諦利生。必資止觀之藥、調治之方。淨治無明煩惱。以破我法二執。方為妙行。而可證入妙果矣。故首問藥王云何遊於娑婆世界。而行百千萬億難行苦行者。正示二乘初涉生死險道。全仗止觀之力故。以藥王因昔聞妙法華經。得現一切色身三昧。破我法二執。乃能以神力供佛。得受付囑也。然以身供佛。表破我執。以臂供塔。表破法執。二執全空。皆因法華三昧之力。顯持經之功。見妙法最勝。故廣讚經功。凡有修者。無不獲益也。……天台云。藥王本事者。觀經云。昔名星光。從尊者日藏。聞說佛慧。以雪山上藥。供養眾僧。願我未來能治眾生身心兩病。舉世歡喜。號曰藥王。今此經云。名一切眾生喜見。頓捨一身。復燒兩臂。輕生重法。命殞道存。舉昔顯今。故言本事品也。」(X32,p.791b14-c14)《法華經要解》卷 6：「藥王昔為喜見菩薩。精苦為法。燒身然臂。其於釋迦法中受持是經。一切天人無如之者。今示其本因。使人跂慕。共尊此道。故名藥王本事。而為苦行流通。即宿王請問難行苦行是也。竊觀此經以智立體。以行成德。前之智境。所以遣情顯解。後之行境。欲其解終趨行。如藥王之燒身。妙音之隨應。觀音之普門。妙嚴之轉邪。普賢之勸發。皆示實相行境。使人忘情絕解。隨行悟入。故說是藥王品時。八萬菩薩得解一切語言。則以苦行成圓通之德也。說妙音品時。華德菩薩得法華三昧。則以妙行成實相之德也。說普門品時。八

萬之眾發無等等心。則以圓行成最上之德也。及說陀羅尼品。則六萬八千人得無生法忍。說莊嚴王品。則八萬四千人得法眼淨。此又以神力正力助成德行。乃至說勸發品時。沙數菩薩得旋陀羅尼。塵數菩薩具普賢道。則以常行成不德之德也。夫能底此。則法華妙行至矣、盡矣。故終會焉。然始於苦行終於常行者。將欲以行成德。非精心苦志無以深造。故必精苦而後造妙。造妙而後能圓。能圓而後真契普賢常行。亦教之序也。」(X30,p.347b5-24)

P. 688, L. 5【乘此一乘】《妙法蓮華經文句》卷10：「今明〈方便品〉開三顯一，圓因已竟，〈安樂行品〉明乘_二乘_三之法，〈壽量〉明乘果已竟，此品下，明乘乘之人，故《十二門論》云「大乘者，普賢、文殊大人之所乘也」，〈藥王〉以苦行乘乘，〈妙音〉、〈觀音〉以三昧乘乘，〈陀羅尼〉以總持乘乘，〈妙莊嚴〉以誓願乘乘，〈普賢〉以神通乘乘，作此解者，於化他流通義便也。」(T34,p.143a29-b6)《十二門論》：「摩訶衍者，於二乘為上，故名大乘；諸佛最大，是乘能至，故名為大；諸佛大人乘是乘故，故名為大；又能滅除眾生大苦、與大利益事，故名為大；又觀世音、得大勢、文殊師利、彌勒菩薩等，是諸大士之所乘故，故名為大；又以此乘能盡一切諸法邊底，故名為大。」(T30,p.159c14-20)《大乘起信論裂網疏》卷1：「一切諸佛本所乘故。一切菩薩皆乘於此。入佛地故 此更約能乘之人。以顯所乘之法。故曰。言大乘者。文殊普賢等一切大人之所乘也。夫一切眾生心。莫不具體相用三大。即此三大。便名為乘。而九界眾生不能盡此心大乘之用。枉作壞驢羊鹿水牛諸乘。唯一切佛已乘此大乘到究竟地。一切菩薩。皆乘此大乘乃入佛地。故必約眾生心以顯大乘義也。」(T44,p.428b28-c7)「乘」：彳亼ノ駕御。尸亼、車子。~《漢語大詞典》

P. 688, L. -5【觀藥王藥上菩薩經】《佛說觀藥王藥上二菩薩經》：「彼時有佛，號琉璃光照如來…劫名正安隱，國名懸勝幡，生彼佛國眾生壽命八大劫。彼佛世尊出現世間經十六大劫，然後乃於蓮華講堂入般涅槃。佛涅槃後，正法住世滿八大劫，像法住世亦八大劫。…於像法中有千比丘，發菩提心求受菩薩戒，普為眾生遊行教化。爾時眾中有一比丘名曰日藏，聰明多智…為諸大眾廣讚大乘菩薩本緣，亦說如來無上清淨平等大慧。爾時眾中有一長者名星宿光，聞說大乘平等大慧，心生歡喜即從座起，持呵梨勒果及諸雜藥至日藏所，白言：『大

德！我聞仁者說甘露妙藥。如仁所說，服此藥者不老不死。』作此語已，頭面著地，禮比丘足，復持此藥奉上比丘，白言：『仁者！今以此藥奉上仁者及大德僧。』爾時日藏即為呪願，受呵梨勒。長者聞法復聞呪願，心大歡喜，遍禮十方無量諸佛，於日藏前發弘誓願而作是言：『我聞仁者說佛慧藥，如仁所說真實不虛。今持雪山良藥奉上仁者并及眾僧，以此功德，願我生生不求人天三界福報，正心迴向阿耨多羅三藐三菩提。我今至誠發無上道心，於未來世必當成佛。此願不虛，必如尊者所說佛慧。我得菩提清淨力時，雖未成佛，若有眾生聞我名者，願得除滅眾生三種病苦：一者眾生身中四百四病，但稱我名即得除愈。二者邪見愚癡及惡道苦，願永不受；我作佛時，生我國土諸眾生等，悉皆悟解平等大乘，更無異趣。三者閻浮提中及餘他方有三惡趣名，聞我名者，永更不受三惡趣身；設墮惡趣，我終不成阿耨多羅三藐三菩提。若有禮拜繫念觀我身相者，願此眾生消除三障，如淨琉璃，內外映徹，見佛色身亦復如是。若有眾生見佛清淨色身者，願此眾生於平等慧永不退失』。……此藥王菩薩聞諸大眾為立號時，敬禮大眾而作是言：『大德眾僧為我立號名曰藥王，我今應當依名定實。若我所施迴向佛道必得成就，願我兩手雨一切藥，摩洗眾生除一切病。若有眾生聞我名者、禮拜我者、觀我身相者，當令此等皆服甚深妙陀羅尼無闕法藥，當令此等現在身上除去諸惡、無願不從。我成佛時，願諸眾生具大乘行。』」(T20,pp.665a1-c23)星宿光長者有弟名電光明、醍醐良藥。→藥上菩薩。

P. 688, L. -4【佛頂經云】《首楞嚴經》卷5：「藥王、藥上二法王子并在會中五百梵天即從座起，頂禮佛足而白佛言：「我無始劫為世良醫，口中嘗此娑婆世界草木金石，名數凡有十萬八千，如是悉知苦酢鹹淡甘辛等味，并諸和合、俱生、變異，是冷是熱，有毒無毒，悉能遍知。承事如來，了知味性，非空、非有，非即身心、非離身心，分別味因，從是開悟，蒙佛如來印我昆季藥王、藥上二菩薩名。今於會中為法王子，因味覺明，位登菩薩。佛問圓通，如我所證，味因為上！」」(T19,pp.125c29-126a9)二十五圓通之「味塵圓通」。《楞嚴經正脉疏》卷5：「舌與藥觸。熾然味現。故非空。雖觸舌現。實無形相。故非有。又味是不可見有對色。以有對故非空。以不見故非有也。身即舌也。心

2022/12/13

即舌識也。諸藥不來。則舌與識不自現於苦等。故非即身心。舌識不嘗諸藥。豈能自現苦等。故非離身心。分別味因。一一追究。味因何有。從是開悟者。忽爾悟得。熾然諸味。元不從於諸藥及與身心。本如來藏真如性也。」(X12,p.333a13-19)

P. 689, L. 3【宿王華菩薩】《法華經授手》卷 9：「理既圓而行必彰。故有宿王華出請妙行也。直指云。宿即如如理。是真諦。華即如如智。是俗諦。王即理智互融。是中道。以三諦一心為理事無礙之妙行。與本迹兩門會眾。發藥王本事。以啟大行關鍵。故如此問也。知音云：當機意謂。娑婆為五濁惡世。人所畏憚。而藥王於持品(p.498:-3)。獨發願遊於此土者。未審有何本事？妙樂云。通問遊者。遊必具足十法界身。並如妙音、觀音。但別舉苦行。以逗所宜。故請答之言。意在苦行也。」(X32,pp.791c18-792a2)

P. 689, L. 8【智斷、福慧】「智斷」：謂智德與斷德。照了真理，稱為智德，即指菩提；斷盡煩惱，稱為斷德，即指涅槃。往生論註卷上：「論智，則義無不達；語斷，則習氣無餘。智、斷具足，能利世間。」「福慧」：福德與智慧二種莊嚴。福者，修六度中之布施、持戒、忍辱、精進、禪定等善業，屬利他；慧者智慧，即觀念真理，屬自利。華嚴五教章卷二：「此終教中論其實行，從初發意即福慧雙修，故成佛時無別修也。」～《佛光大辭典》

P. 689, L. -3【日月淨明德如來】《法華經通義》卷 6：「所師之佛，號日月淨明德者。謂以正智觀照。破無明暗。淨治染垢之象也。」(X31,p.588c13-15)《法華經句解》卷 7：「義約佛智慧，明如日月，德淨無垢，故得是名。」(X30,p.605a2-3)《法華經要解》卷 6：「智慧真光，幽明並燭，不為物累。故號日月淨明德。」(X30,p.347c5)《法華經授手》卷 9：「直指云：一悟圓教初住之時。定證心佛眾生三無差別之理。是以所師之佛號日月淨明德。表三身不住，我法雙忘之相。即此佛號謂之藥也。」(X32,p.792a9-12)《法華經演義》卷 6：「世間日月則有照臨之功。而清淨皎徹。通乎晝夜之者。由彼佛能於因中。承事十方諸佛。親近萬億如來。盡行諸佛無量道法。所有方便知見波羅蜜。皆悉具足。其所具之實智則如日。所具之權智則如月。既具二智。則惑無不破而淨。智無不顯而明。既破惑顯智。則其自行化他之德。必能成就矣。故名日月淨明德也。」(X33,pp.273c24-274a6)